



Human Rights Network–Uganda
(HURINET-U)

**EITABO LOKA AKAN LO EPATANA AISIOM
KANU ADUMUN AKIROSINEI NU EKISIL**



Open Society
Initiative for
East Africa
(OSIEA)

OSIEA

**EITABO LOKA AKAN LO EPATANA AISIOM
KANU ADUMUN AKIROSINEI NU EKISIL**

Elap lo etomonetarei 2009

Aisialamikinet

Isialamikit HURINET-U kede Open Society Initiative for East Africa (OSIEA) lu opoto igangata aiwadikao naka eitabo loka akan apatana aisiom losodit. Isialamikit iso iyesi noi.

Isialamikit bobo HURINET-U agangat na opotu kesi odumutu kanejai MS-Uganda kanu aitolomun eitabo lo loka akan kotoma ainapeta kanu ka ayangaun ejautene lo erian toma adoketait na okwap. (BLD).

AKIRO NU EWURIAKA

Aisialamikinet	2
Nuka oingaren	4
Nuka Oingaren	5
Iboro leupolok luejaasi toma okisil loko Uganda kanu adumun akirosinei..	6

ATUTUBET NA I: Iponesio ludumunet akirosinei 7

Ageunet na adumun akirosinei ko Uganda.	7
Eipudi lo adumun akirosinei.	8
Iponesio luka adumun akirosinei	8
Apedori na adumun akirosinei	9
Ingai epedori adumun akirosinei?	9
Akirosinei bo ani epedorio adumun?	10
Ejaa tepe nu imikitosi toma apedor kanu adumun akirosinei?	10
Ani bo iriongeta lu ecamakit ekisil aikor akirosinei?	11

ATUTUBET II: Iponesio lu edumunere akirosinei 12

Eipone ani epedoria itunganan arai erionget alipan kanu adumun akiro?	12
Ingai bo Loapolon lo akiro ido aibo ipedori ijo adumakin ngesi?	12
Dobo arai emamiatatar aibunget apugan kede loepolokit akirosinei ? ...	12
Dobo arai emamiatar erionget lo apugan ka loapolon?	13
Dobo arai mam itunganan ejeni aisiom ka aiwadika?	13
Nu inyoika ibusakinit loapolon lo Akiro aswam akaulo na eong aijaikin alipan na akiro?	13
Aswam na loapolon lo akiro arai edumunit alipan.	14
Aswam na aingarakin itunga lu ingisitos akiro.	14
Nu inyoika iswamaunos arai ingisitasi akiro kane ejai loapolon lo egitakina kane ejai lo ejatatar akiro nu ilipitai?	14
Dobo arai mam akiro nu ilipitai edumunosi?	15
Ingai itojokaari arai acamakini apedor?	15
Aswam na loapolon lo akiro arai kimiki itunganan apedor na adumun akiro	15
Acamaikinio ka eipone lo acamaikinio.	16
Dobo arai ejatatar itunganan ka angwalu ido komam epedori adumun akiro koipone kalo itemonokitere?	17
Inyobo eyauni aimikio na akiro?	17
Anguurian arai Aijulira	18

Nuka oingaren

ACHPR:	African Charter on Human and People's Rights
ATIA:	Access to Information Act
CAO:	Chief Administrative Officer
COFI:	Coalition on Freedom of Information
CSO:	Civil Society Organization
HURINET -U:	Human Rights Network -Uganda
ICCPR:	International Covenant on Civil Political Rights
ICESCR:	International Covenant on Economic, Social Cultural Rights
NGO:	Nongovernmental Organization
UDHR:	Universal Declaration of Human Rights

Nuka Oingaren

Ajaikina HURINET -U toma aitigogong nuka aswam kanu aiyatakin apedorosio nuka itunga ko Uganda. Toma okaru lo 2003, kongeuni HURINET-U aswam kanu aibwaikin toma apedor kanu adumun akirosinei kotoma aibunget na ikisila luko Uganda okaru 1995. Apeleikinit aswam na kanuka aiyatakin ekisil ngoli lo epedori aibwaikin toma aswamisiot na ekisil enaaba lo 41 loka aibunget na ekisil lo einakini ikulepek akwap apedor adumun akirosinei. Ekisil lo enaaba 41 einakini epaliamet aswam ikisila kanuka awanyun apedor na adumun akirosinei nu ibwakitai aswam. HURINET-U kede CSO opotu iswamautu kanu ayangaun ajokus naka ikisila kanu adumun ekisil lo akirosine, lo einakini aswamisiot toma okisil lo enaaba 41 lo aibunget na ikisila luko Uganda lo okaru 1995.

Edaunitor ikaru iwongon ageun ne ageunere ekisil lo anyaritai ATIA ko Uganda. Karaida ajai, adit aijen na ekisil alo; Mam apugan itolomunitor nu itupitono kanu ekisil kalo kanu aswam. Osiepi lo, ituunga kere kede igurupun lu ingaranakinite itunga mam ecamunitos eitosomae lo ATIA kanu aingisit akirosinei kama ejai apugan. Ediope katiokusio nuka aitiosom ekisil loka ATIA, arai amamus naka aijien ekisil kane ejasi itunga kede amamus etau lo isialamikini eipone lo eswamaunere ekisil lo.

Kanu ka aitemokin atiokusio nuka okuju, HURINET-U nepepe ka COFI kopotu kismamautu eitabo loka akan lo apatana aitiosom kanu adumun akirosinei. Etabolo epeleikinitai kanu aingarakit imeeban lu atukot kede CSOs kanu aijen nu ejaasi ATIA tetere epatana aingit akirosinei kede aswam akec apedorosio kotoma okisil lo enaaba 41 kotoma aibunget na ikisila. Erai akosimuno ebe eitabolo ebuni eitabo lo alosit ne elwana toma aingarakit itunga kere adumun akirosinei kwape ejaari kotoma aibunget naka ikisila lu ko Uganda, luka ATIA kede icie ikisila lu ipugatos akwap kere.

Eong,



Ndifuna Mohammad
Chief Executive Officer

Ibora leupolok luejaasi toma okisil loko Uganda kanu adumun akirosinei.

Epolok nu amisikin nukamunits akiro nuejaasi toma okisil kanu adumun akirosinei. Kwap ejasi asegununeta nu akiro kanu itunga amisikin.

“Okooti” Apolouke okoot lo atubon alapolon arai okooti lapolon;

“Etiai lo isirigin” erai etiai lo adaun aitutub; kotoma ko Uganda, etiai lo etutubi eriakasi kede ilukumin akaisarei.

“Akirosinei” imoriaritos nuiwadikatai, aputo, aipup kede akiro nu elomunete acumen;

“Owowofisa lo akirosinei” apolou ke etunganan lo idari aswamisinei nuka itunga;

“Eitabo” apolou ke eitabo lo aswam kanu, kede inaabai lu aiwadikaeta kantuka itunga,iwadikatai toma atutubet na 7 naka ekisil loka ATIA;

“Nu ayeieiya” akepolou ebe apedor naka etunganan aidar akiro;

“Akiro nu ikamunito iboro” akepolu ebeakiro nuikamanara kede eipone lo iswamaere iboro, ayeieiya na agwelanar, aitodunet, aiwadik ikoni iboro, epoinet lo ayuwarit ka ekisil arai ka acamanar ka akwapin kere ne erari Uganda adiopet kakesi;

“Egurupu lo ebwoikit itunga kere” kaimoriarit apugan, eminisitiri, atiakunet, egurupu lo iswamai ikisila, ka icie igurupun luejaasi kapedorosio;

“Record” means any recorded information, in any format, including an electronic format in the possession or control of a public body, whether or not that body created it;

“Aiwadikaeta nu idaritai” akepolou ebe adisikiro nu iwadikatai, kotoma opone edio kere, kaimoriarit acuma na ejatatar arai aitikitik egurupu lo ebwoikit itunga kere, arai erai arai mam egurupu ngol iswamat ngesi;

“Aingit adumun akiro” akepolou aingitun adumun aiwadikaeta nu idaritai nuka egurupu lo ebwoikit itunga kere kotoma atutubet na 11 lo ATIA;

“Ayuwara” akepolou ayuwarit Uganda kama ejaasi aitukurianeta kwape nat abilibilio na ikisila, ngun luebilibilete ikisila kede asuronokino kacie akwapin;

“Ajais kede apedor” akepolou ajaut keda epedor kanuka akoni akwap;

“Etunganan lo iwuniet” nuikamanara aingit adumun akiro, akepolou edio itunganan, kaimoriarit konye mere bon, nejai apugan naka anucie akwapin, atukot naka akwap kere arai atiakunet naka apugan arai atukot, mam erai-

(a) Etunganan lo ingisit adumun akiro; kede

(b) Egurupu lo ebwoikit itunga.

ATUTUBET NA I Iponesio ludumunet akirosinei

Ageunet na adumun akirosinei ko Uganda.

Akirosinei kwape nuepolok nu apedorosio nuka etunganane adumu agangat na ekisil lo ajokan kede erian, kede adumun agangat apakisio nu atuboros nu ayautu aipugaikina naitetet nejaasi itunga kere. Akirosinei ekotoi kanu ka aijar naka itunga kere; kowanyutete epone lo ijulakinatar akwapin kama aibwait iboro kanu ainakin angara. Akwapin nui pu ageutu aitosom ekisil lo adumun akirosinei, tetere aitodun apedorosio nuka etunganane nujaasi. Kimoriaritos: Australia, Belize, Canada, Jamaica, United Kingdom, USA, New Zealand, Pakistan, Trinidad kede Tobago, India, nuepolok kanuka Africa-South Africa, Zimbabwe, kede kopekwana Uganda.

Kotoma okisil loka apedorosio nuka eitunganane kakwap kere, ailajara naka akirosinei aponi kocamuna adepar ikaru 60, kotoma okisil lo ipugat itunga kere kakwap (UDHR)¹, kede ejatatar kageun iponesio kotoma acie aciamanareta kede ikisila kwape nat (ICCPR, ESCR, ACHPR etc).

Kotoma Uganda, apedor na adumun akirosinei edumakinio toma airiamun na itemokit ekatubon lo apolon okaru lo 1993 (Odoki Commission 1993). Abu egurupu kocam ebe ailajara toma oiner, kede apedor kanukangin itunganan einer kanuka ajenun. Abu egurupu bobo kocam ebe ngun luepugak ebeit ailjarakanu ainakin akirosinei, bon ebe mam ebili ekisil lo apugan. Toma okaru lo 1995 aibunget na itetet na ikisila aponi iswamaunai kede obu ijaik ekisil enaaba 41 kanu apedor adumun akirosinei ka ikulepek akwap na ko Uganda. Abu aibunget naisikila koinak epaliamet loko Uganda aswam na aswamu ikisila kanu aibwaikin apedor na.

Toma 2003 HURINET -U engarenikt egurupu lo engarakit itunga kede imeban lu opaliamet kanu aswam ikisila lu adumun akirosine, ekisil lo aponi ocamunai erasi 17th/07/2005. Karaida etolomutai ekisil lo adumun akirosinei, ipu nu ekotoi aswamao anu aingarakin itunga amisikin kede aitosom ngesi. Elosi

¹ Ekisil enaaba 19 lo okisil lo ipugat itunga kere kakwap 1948,

Uganda aitolomun iponesio luitosomaet eikisil koutasi itunga luitu luko Uganda ekotosi amisikin epone loitosomaet ekisil lo adumun akirosinei. Eitabo loakan lo erai atutubet na iponesio aluitu lo egurupu alo ingarakit itunga kitosomai kanu aitijenikin itunga kede eipone lo itosomaet ekisil lo.

Eipudi lo adumun akirosinei.

Ailajara kanu adumun akirosinei arai adiopot kanuka iboro alu epolok kanu itunga aipugaikina kailajara. Epolok akirosinei kanuka aitopol kede aiyatakin apedorosio nuka etunganane. Itunga lu alolo itosomaete eicec akirosinei kede akirosinei kakanin nuka apugan arai egurupu loepol kanu aingarakit apugan akeswam. Apedor na adumun akirosinei iswamai kodoco ebe ikulepek akwap mam ewanyunito aswam naka apugan bon dokwana einakini itunga apedorosio kanu aiswamaikin apugan aitodikin nu eswama ngesi.

Itigongitai ikulepek akwap aingit nuka akirosinei kama ejai apugan kanu aingarakin kesi aswam awosio nuepolok kede aswam kodoc ebe itoduni apugan nu iswamat. Ekisil lo adumun akirosinei mam ejokunar arai mam ikulepek akwap epedorete aitosom, aingit kanu akirosinei kede aswam kodoco ebe luingarenikito apugan atodunete akec aswam. Nuepolok kanu ajaut kede aitosom ekisil lo adumun akirosinei kotoma Uganda.

- i. Ekisil lo itigonggi epugae lo ajokan ka aingarakin etunganan aitutub nu ejokuka kanu aiboisit ke.
- ii. Ingarakit itunga kere kotoma aitopol kede awanyun ebe engarenok itodunete nuiswamato kesi.
- iii. Ekisil lo erai ibore yeni epol kanu aitiiji ecamusana.
- iv. Ekisil lo erai ibore yeni itidisiari ecielet kede awanyun ebe ayuwara eyangauni angaara na ingarakini amuno toma otunga.
- v. Eyuwarit ajar naka ayeiyeiya naka nginitunganan.
- vi. Ingarakit ikulepek akwap aswam aitutubeta
- vii. Ebili inonosio luka aiyeyeiya

Iponesio luka adumun akirosinei

Ekisil lo adumun akirosinei erai apedor na egogong noi kanu ikulepek akwap kere. Ikulepek akwap epedorete adumun akirosinei kanu aitosom kede aingarakin kesi aijen. Kanuka akirosinei ajokus ekoto;

1. Ekoto ojok kede kotoma apak,
2. Ekoto korai kanuka ibore kingin,
3. Ekoto itodutete kotoma kosodi koinakite apolouket kede

aitopolorit, kede

4. Ekoto opedorite aiyat toma amisikin kede aitidisiar abunonokin toma owai loka etunganan lo ijauni gesi.

Narai nu ekotoi koju kanu adumun akirosinei, ekisil lo adumun akirosinei epeleikinitai kanu aingarakin lo emoi akirosinei adumun nu abeit kede apak na ngol/ngin epedori aitosom kanu akejokisin.

Ekisil lo adumun akirosinei iswamatai ainakin ikulepek akwap adumun akirosinei kanejai apugan. Apolok nu aitun ebe;

- i. Akirosinei nuka apugan erasi nu ITUNGA KERE.
- ii. Arai ingit ijo airere aiwadikaeta nu idaritai nuka apugan, ingisit ijo awanyun akiro KON,
- iii. Ipedori IJO adumun akirosinei kanejai egurupu arai engarenon lo ejok.

Apedori na adumun akirosinei

Apedori na adumun akirosinei erai adumun kanejai okisil lo ipugat itunga kere kakwap (UDHR) 1948 na einakini

“Ngin itunganan kere ejaasi kapedor kanu ailajara nuka awomowom kede einer; apedori na imoriarit ailajara komamei aiticane, kede aimo, adumun kede ainakin akirosinei kede epulani kotoma opene edis lo inakinet akirosinei karaida ejaasi lu imikitosi”

Apedor na ejai aibunget na ikisila nako Uganda 1995, Ekisil enaaba 41 einakini ngun;

Ngin ikulepek akwap ejaunos kapedor na adumun akirosinei toma akwap ngin dimarai ne elimunere akiro epedori ayangaun atiokusio toma ayuwara arai apedor naka akwap aria aitollol apedor naka aiyeyeyiya naka ido etunganan

Nuikamunito ekisil loka adumun akirosinei nu 2005, apedorosio nu etunganan mam edumuni ationus ka

- a. adio aitodunet na einakini itunaganan adumunia akiro; arai
- b. Ecamuni ewowofisa nu ilosi ijo aswam kede akirosinei nu.

Ingai epedori adumun akirosinei?

Nuikamunito ekisil enaaba 41 nu aibunget na ikisila nu anginikulepek akwap ajaunos kapedor na adumun akirosinei. Apolou ebe etunganan lo okwap arai ekapani lo erai ikulepek akwap (ekapani lo iwadikauna ko Uganda) ejaasi

kede apedor adumun akirosinei.

Epolok nu awanyun ebe toma okisil lo, etunganan lo mam erai lo Uganda (ilongwau) emameototor keda apedor kanu adumun akirosinei.

Inyiobo aswam ekisil loka adumun akirosinei?

Ekisil loka adumun akirosinei elosikinit;

- i. Aiyatakin aitemokin, ejok, amamus aibwait kede apugan na itoduni akeswam;
- ii. Ainakin ajiokisi nejai ekisil enaaba 41 na aibunget na ikisila kainanakin apedor na adumun akirosinei nu edumunio atiakunet napugan, itia aigir aiwadikaeta nu idaritai kede akirosinei;
- iii. Ayuwarit itunga lu elimunete akirosinei nu edumakinio okisil kanejai ationus
- iv. Aiyatakin amamus aibwait kede aswam na iswamatai nejaasi atiakuneta nuka akwap kainanakin itunga kede akirosinei nuejasi toma apak, opatana adumun kede akiro nu abeit; kede
- v. Aisinyikoikit itunga airere ejokan kede aswam ka apugan kanu iboro alu esurokinete kesi.

Akirosinei bo ani epedorio adumun?

Ikulepek akwap ejasi kede apedor adumun edio eipone lo akirosinei kere nu edumakinio akwap kimoriarotos akirosinei kere kede aiwadikaeta nu idaritai kominisitri loka apugan, oriongena luegelegela, apungan na okwap, erionget lo ikisila, kede iringeta luka aswam luegelegela araicat mam ekisil lo eciamakit ijo aitosom.

Ejaa tepe nu imikitosi toma apedor kanu adumun akirosinei?

Apedor na adumun akirosinei ejai kede aitikitiketa, kede da mam ejok noi. Toma na ekisil lo adumun akirosinei, kapedor adumun akirosinei mam iswamaun arai

- a. Aiwadikaeta nu idaritai eraasi nu ekabinet arai nu ekomiti lo ekabinet.
- b. Aiwadikaeta nu idaritai nu ekooti eringa engetakina emusago.

litu:

Apedor nuka ayeiyeiya kotoma okisil enaaba 27 lo aibunget na ikisila kimoriarotos apedor na mam aitolitai kede ayeiyeiya na eeiner na etunganan, eipaperone, ngol/ngin ikeboro kede etunganan

Akirosinei epedorio aimik akai;

- a. Ainakin kanat akiro kangun epedori aitolitol ayuara naka akwap. Apolouke akirosinei elosete aitolitol ayuwara naka akwap arai elosi aitosomao ka itunga lu arokok kwa odwaratau arai abenyiak kamunar akwap.
- b. Ainakin kanat akiro kangun epedori aitolitol arai aitolitol kede apedorosio etunganan nuka ayeiyeiya kwape ejaar ekisil enaaba 27 naka aibunget naka ikisila.
- c. Akirosinei itodunete ejautene etunganan lo ecie etunganan itia nuetungana aingisit.
- d. Akirosinei itodunete aisubis arai akirosinei nu etekinoloje nu epedorete ariokar toma aijar naka akeijar kwape nat kwa ibore yeni ejok noi kede akirosinei nu abeit.
- e. Nejasu akirosinei nu emunarete aswam kwape nat akirosinei nuka angaleu idarite emuron lo angaleu, akirosinei nu idarit epulida kanuka etetunganan arai nejai aciamanar kiding etungana lo aingarakinio kede ewowofisa alimor akiro arai mam alimor.

Ani bo iriongeta lu ecamakit ekisil aikor akirosinei?

Iriongeta kere lu apugan iminisitiris, abungeta nuka apugan, atukono ka iriogeta lu igirunitai kokisil, apugan nako kwap, iriongeta nu igirunit airabet kokisil, ka icie ko atenu nu apugan kilema arai mam ecamakitai.

Apuga nako kwap (local government) kane ngesi imoriaritos ikansulon lu odistrikt, otemuan, ironyia, ikansulon lu oibugan.

Iparastatols ka iriongeta lu igirunit airabet kokisil nesi imoriaritos atenu nu apugan kere kede atukono kwape nat erionget lo etuki isolosinei ko Uganda Uganda Revenue Authority, erionget lo akiro nu alupok Uganda Land Commission, Uganda Investment authority, Bank of Uganda, Electoral commission, the Public Service Commission, the Education Service Commission ka aimoriarit icie da kere.

ATUTUBET II

Iponesio lu edumunere akirosinei

Eipone ani epedoria itunganan arai erionget alipan kanu adumun akiro?

Epedori itunganan arai erionget ailip aijaikinio akiro koipone lo aijukar alipan na iwadikatai ne ejai owofisa lo erionget lo apugan lo ejatatar ka apedor ngin.

Alipan ke ekot kojatatar keda iyemuto ka aidules kanu aisipedor epirotit lo isomai orionget ngon angicun kotoma aibungena akiro nu ilipit ngesi.

Itunganan arai erionget lo ilipit akiro ngun nesi ibusakinit:

- a. Aijaikin iboro lu ilosikina lu itepedorete owofisa lo akiro adumun
 - (i) Aiwadikaet arai aiwadikaeta nu ekotoi; keda
 - (ii) Etunganan lo ilipit akiro
- c. Aitigong aiboisit alopet na elomunitor itunganan yen ilipit akiro, keda
- d. Arai itoritere alipan ne ejai icie itunganan, aitoduun adoketai na ejai ngin ilipit akiro, ijaikinit ailipa ke.

Ingai bo Loapolon lo akiro ido aibo ipedori ijo adumakin ngesi?

Kanuka ekisil loka adumun akirosinei, lapolon kakere kotoma kangin ibunget na itunga ngesi erai loapolon akirrosinei, Akepolou ebe, loepolokit egurupu, arai aibunget nesi erai loapolon akirosinei. Loapolon akirosinei nesi ikamunitos nu aanyun ebe aiwadikaeta nuka aibungeta nuka itunga edumunonio kotoma okisil .

Dobo arai emamiatatar aibunget apugan kede loepolokit akirosinei ?

Kotupitete ekisil lo adumun akiro itunganan idio yen epolokinit erionget lo apugan kere erai loapolon lo Akiro ngesi atemar, lo epolokit erionget, atukot, arai aibunget erai loapolon lo Akiro.

loapolon lo Akiro ngesi ejatar ka apedor na awanyun ebe aiwadikaeta nu erionget lo apugan ejaasi kotoma okisil.

Dobo arai emamiatar erionget lo apugan ka loapolon?

Edio erionget lo apugan ebeit ajaut keda loapolon lo Akiro korai da lo epolokinit erionget ngol.

Koitena, lo epolokinit erionget ngol erai lo apolon kakere kotoma awanyunet kodistrikta, loapolon lo epolokinit apugan (CAO) erai loapolon lo apolon, Kotoma Otem loapolon etem, kotoma orionget lo epolokinit apugan erai Edairekta, loapolon kakere erai loepolokinit erionget ngol. Icie koriongeta lo apugan ejaa ka loapolons lo erucokina ka itunga ido isomaete kwape loapolons lu Akiro.

Dobo arai mam itunganan ejeni aisiom ka aiwadika?

Itunganan yen mam ejeni aisiom arai aiwadika, arai anu amamus aijen arai angwalu komam epedori aijaikin aiwadikaet na ailpan nesi epedori aijaikin alipan ke koiner.

Arai kijaikin alipan na einer, loapolon lo Akiro lo erionget lo apugan lo ijaikinitai alipan na einer nesi itidisiari alipan korai aiwadikaet, kijaikin do atutubet na aiwadikaet kangin ne ejai etunganan lo ilipit.

Nu inyoika ibusakinit loapolon lo Akiro aswam akaulo na eong aijaikin alipan na akiro?

Akaulo na aijaikin alipan ne ejai loapolon lo Akiro, loapolon lo Akiro kotoma okisil ebeit aijaikin agangat na ilosikino na isipedori itunganan adumun akiro nu ilipit. Agangat nesi ebeit ajaut erai natitai.

litu:

Agangat na adumun akiro kotoma okisila erai atitai, konye da itunganan nesi epedorio aitatac ikapun lu aswam. Ikapun lu aswam erai ikapun lu itatacio ngitunganan yen edumuni akiro kotoma kangin atutubet arai orionget lo apugan.

Ikapun nesi ibikakinitai kotoma apedorosio kane ejai eminista. Ikapun lu nesi etacio ne ejai apugan mere ne ejai loapolon. Konye kilip arisiiti arai ingisitai ijo.

Aswam na loapolon lo akiro arai edumunit alipan. Aswam na aingarakin itunga lu ingisitos akiro.

Kailosikino loapolon lo akiro ejaasi ka aswam na aijaikin akiro kwape ilipitere kotoma okisil. Kotoma enaaba 12 kotoma okisil kangin loapolon lo akiro ejaasi ka aswam na aingarakin itungana yen ilipit akiro.

Akiro mam cut imikitai kanu naarai mam itunganan abu kotupak iponesio lu ailipitor, konye loapolon lo akiro epedori aimik alipan ne ejatatar owofisa lo akiro keda;

- a. Itijenikit itunganan yen ilipit akiro alosikinet ke aimik ngesi alipan ke.
 - Aitijenaaret nesi itoduuni aomisio nu einakinete alipan imikio.
 - Aitijenaaret nesi itoduuni ebe owofisa lo akiro arai owofisa ecie epedori aingarakin itunganan ngin koipone lo aijaikin alipan koipone lo alemar aomisio arai iboro nu einakinete aimikio.
- b. loapolon lo akiro ebeit aijaikin itunganan arerengu amoun akiro arai aijukar alipan ne ejai owofisa lo elimoritai kaitijenaaret. Aisipedor ngesi adumun akiro.
- c. loapolon lo akiro ebeit aijaikin itunganan arerengu na edolit kanu aitigongoor arai aijul alipan tetere ecamanar keda nutupitono kotoma alipet.

Nu inyoika iswamaunos arai ingisital akiro kane ejai loapolon lo egitakina kane ejai lo ejatatar akiro nu ilipital?

Arai kedumu loapolon lo akiro alipan keda abeit ebe, alipan ngin ebeit tii aijaikin erionget ecie lo apugan loapolon lo akiro nu erionget kapugan lo ijauni alipan ngin ejaasi kapedor na:

- a. Aijaikin agangat kere na edolit na isipedoori itunganan yen ilipit aijaikin alipan ne ejai loapolon lo Akiro lo orionget lo apugan Obe; arai
- b. Ngesi ebeit aijular alipan ne ejai loapolon lo akiro obe, lo iteteni akiro kotupitete ekisil lo isipedoori itunganan adumun akiro.

Akaulo na aijular alipan (ne eraar akiro nu ilipital nu edumunio kotoma orionget ecie lo apugan).

loapolon lo akiro epedori aitijenikin itunganan yen ilipit akiro nu aijulio na ailipa ke ne ejai owofisa lo akiro ecie, aomisio nu aijulio kangin iswamaunio kotoma apak kangin na abeitor aitodolikino alipan ngin

Dobo arai mam akiro nu ilipitai edumunosi?

Kotoma S.14 na ekisil, ne ejaikinere alipan kanu adumun akiro ne ejai loapolon lo akiro lo erionget lo apugan komam owofisa ngol ejeni erionget apugan lo idari arai ejatatar akiro nu ilipitai. Arai

ne edauna loapolon lo akiro iponesio kere kanu adumun aiwadikaet na ilipitai komam ngesi epedori adumun; ido ojaasi nu ideleete kanu ajenun ebe aiwadikaeta ngun kesi emameete loapolon lo akiro ngesi epedori kaiwadikaet, aitijenikin itunganan kwa mam epedoror aijaikin ngesi aiwadikaeta.

Aitijenaaret karai mam aiwadikaeta edumuna itijenikini itunganan yen ijaikit alipan na adumun akiro iponesio ka adoketa nu eyangarit loapolon lo akiro kanu adumun akiro keda aomisio nu einakisi nges (owofisa lo akiro) angetakini ebe akiro arai aiwadikaeta kes emameete arai mam epedoros adumun.

Ingai itojokaari arai acamakini apedor?

loapolon lo akiro lo ijauni alipan arai lo ijulakinio alipan ngesi ebeit katipet kotoma apak na apaarasia 21;

- a. Ajenun arai akiro nu ilipitai eraas nu epedorio aijaikin arai mam.
- b. Aitijenikin yen ilipit adumun akiro aitojokaario na aijaikin arai amikio na alipan.

Kitojokaar aijaikin akiro, loapolon lo akiro nges ebeit aitijenikin itunganan yen ilipit akiro ido aitijenaaret nes itodiari;

- a. Ikapun nu ebeit aitac kanu adumun (arai ebeit)
- b. Eipone lo apedor na ebeitor aijaikina; keda
- c. Ido da ebe itunganan yen ilipit ngesi epedori aijukar aijulira ke adieket, koipone lo ebeitor, kisipegite alemunio na ikapun nu aswam arai epedor na ijaikinitai ngesi, imoriarite apak, na ijukaret alosikinet arai aijulira, koipone lo ibusakinitor.

Aswam na loapolon lo akiro arai kimiki itunganan apedor na adumun akiro

Loapolon lo akiro nges ebeit ainakin aitijenaaret na aimikio na alipan. Aitijenaaret nesi elimori;

- a. Aomisioit ka ailosikina na aimikio, kimoriarite ekisil lo itosomatai arai lo etupitai imikio.
- b. Inakini aomisioit na aimikio na alipan loapolon lo akiro ngesi mam

imorikikini atupit nu ejaasi akiro nu ilipitai keda

- c. Elimori ebe epedori itunganan aijukar angurian arai aijulira ke adieket, itoronaarite aimikio na alipan ke.

Acamaiknio ka eipone lo acamaiknio

Kecamaikin alipan, itunganan nesi emina ajaut ka apedor na adumun akiro keda aileleba komameete aimiketa arai emina kiinakinai atutubet bon na akiro nu ilipit. loapolon lo akiro nges ebeit ebeit aitijenikin itunganan adoketai na ebeitor aijaikina ngesi akiro.

Acamaiknio arai apedori nesi erai na etacio kede na mam etacio. Ikapun kesi ebeit alimorio ido itunganan ngesi epedori aitodiar angurian ke kitoronaarite atacio kec keda arai eomit ebe ipu noi ikapun ngul.

Eipone bo ani Edumunia itunganan akiro karai ecamakin?

Kokisil, eipone lo acamaiknio na akiro nesi einakinio kotupitete eipone lo ejaar aiwadikaet arai akiro.

- a. Arai ejaasi akiro koipone lo aiwadikaet, loapolon lo akiro nesi ebeit akorakin aputo na aiwadikaet kangin. loapolon nesi bobo epedori aijaikin arereng na aimaniman arai awanyanario na aiwadikaet ne ejai itunganan yen ilipit. Kane itunganan ngesi ecamaiknio aisiom aiwadikaet bon konye mere atakun aputo ke.

- b. Arai mam akiro iwadikatai.

- ✿ Arai erai aiwadikaet na epedorio aitolomuun koipone lo aputosia arai atakun, loapolon lo akiro nges ebeit awanyun ebe itolomunio ikopin ngun ka ainakin itunganan yen ilipit.

Kejaasi ngun da aputosia nu aiwadikaet kesi ebeit aitolomun kede acuuman nu ejaasi ka erionget lo apugan. Awanyunet mam ijo ipedori adumun aputo na icikunit akompyuta arai ejaatatar erionget lo apugan ataprwaita.

- ✿ Arai ejaasi akiro koipone lo aruo arai aruo imorikikina keda aputosia (evidiyo), kama ejai loapolon lo akiro lo itemonokinit apupio arai aiteo na akiro kangun kane ejai yen ilipit. Arai epedori erionget lo apugan aitolomun aiwadikaet (aiwadikaet na itetemi aputosia ka aruo, arai evidiyo) loapolon lo akiro nesi epedori

awanyun ebe aputo na aiwadikaet iinakinio yen ilipit akiro. Arai ingadit loapolon lo akiro akiro kotoma akompyuta, arai adio acuuma kere na epedori aitodii akiro nu iwadikatai kosiomasi, ebeit ngesi ainakin itunganan ngin aputo ara atutubet na aiwadikaet arai akiro kangun.

- ❁ Arai epedoros akiro adumunio koipone lo epedor asiomio ka akompyuta, koipone lo akorar aputosia nu akiro koipone kangon.
- ❁ Koiponesio icie da akorar aputosia nu akiro kan

Dobo arai ejatatar itunganan ka angwalu ido komam epedori adumun akiro koipone kalo itemonokitere?

Itunganan yen engwalit nes epedori ailip adumun akiro ngun kitemonokitete koipone lo isipedoori ngesi ajenun. Arai kilip itunganan adumun akiro koipone kangon lo isipedoori ngesi amisiikin akiro jokan . Kotupitete angwalu ke, iinakino akiro koipone ngon ka bobo da akiro ngun kes iinakino koipone lo ajatatar erongo ijula.

Idio itunganan da olemarite nu ejaasi ka angwalu epedori ailip aijaikino akiro koipone lo ekotor ngesi iinakinio nges koipone ngon, kilema arai

- a. Itolitoli eipone lo abeit lo eyaitene ke atenu apugan na ikamanara ka akiro ngun.
- b. Arai emunaarit aidario ka aingadio jokan na akiro aria aiwadikaet.
- c. Arai ne itolitolio aijaikino na akiro ekisil lo ilopet aiwadikaet lo itetemit eipone lo edumunere apedor na aitwasam akiro ngun (copyright law) ne mam akiro eratatar nu atenu na apugan na ilipitai.

Inyobo eyauni aimikio na akiro?

Adumun akirosinei epedorio aticepak aimik kede einer arai kotoma oponesio. Kwape kiwanyunitor kokuju, loapolon akirosinei einakini aitetemet nejai itunganan yen ingisit akiro ebe emiki adumun akirosinei. Kwanat aitijenaret kangin ekoto inera kanukinyo angirere.

Adumun akiro nes eminaï aimik eitena aria koponesio. Ka iwanyuna ooni kokuju, Loapolon lo akiro koitena nes epedori aijukakin yen ilipit

Adumun akiro nes eminaï aimik eitena aria koponesio. Ka iwanyuna ooni kokuju, loapolon lo akiro koitena nes epedori aijukakin yen ilipit akiro aisiiraret kanu mam epedoror ainakin nges akiro. Aisiiraret ngin nes itijenikini nu inyoika esimikete aijaikino na akiro.

Kejaasi ngun da itunganan nes epedor atemar emikii akiro aria mam loapolon lo akiro itijenikit nges aomisioit ken a aijaikin aria aimik alipan akaulo na apaarasia 21.

Anguurian arai Aijulira

Itunganan nesi epedori ayangaar angurian ke ne ejai atubon lo epolokit adieket, kitoronaarite aomisioit loapolon lo akiro;

- a. Kanu aimik alipan acamakinio akiro;
- b. Arai kanu aomisioit na aiyatakin apak na ebeitor itunganan acamakinio akiro.
- c. Arai kanu aomisioit na aitelemunio na ikapun kanu acamakin aiwadikaet.
- d. Arai aomisioit na isimikit adumun akiro kere ka aileleba.

Itunganan yen enguriani kanu etube atubon loapolon lo adieket, epedori kotoma apak na aparasia 21 akaulo na alimikinio nges etube, aijukar aijulira ke nejai adieket napolon kakere itoronaarite etube atubon loapolon lo adieket.

Working group on Freedom of Information

Human Rights Network-Uganda (HURINET-U)

Anti-Corruption Coalition Uganda (ACCU)

Human Rights Network for Journalists (HRNJ)

Uganda Media Development Foundation (UMDF)

Uganda Women's Network (UWONET)

PANOS Eastern Africa

FIDA- Uganda

National Union of Disabled persons in Uganda (NUDIPU)

Human Rights Network-Uganda

Plot 94, Old Kiira Road, Ntinda (Near Ministers Village)

P. O. BOX 21265 Kampala -Uganda

Tel: + 256 - 414- 286923,

+ 256 - 414 - 285362

E mail: info@hurinet.or.ug/executive@hurinet.or.ug

Website: www.hurinet.or.ug